



## SAOPŠTENJE ZA MEDIJE

### **dm još jednom potvrdio poziciju Najpoželjnijeg poslodavca u BiH**

*Briga o zaposlenicima na prvom mjestu*

**Sarajevo, 21.2.2025.** - Kompanija dm drogerie markt već jedanaesti put, a deveti put zaredom, ponijela je titulu Najpoželjnijeg poslodavca u Bosni i Hercegovini, što potvrđuje dugogodišnju posvećenost dm-a stvaranju pozitivnog i inspirativnog radnog okruženja. Pored titule u ukupnom poretku, kompanija dm proglašena je Najpoželjnijim poslodavcem i u kategorijama: maloprodaja, Family-Friendly poslodavac i Najinkluzivniji poslodavac.

Poslovna filozofija najvećeg drogerijskog lanca u BiH prepoznata je kao filozofija koja se temelji na uvjerenju da zadovoljan i motivisan tim stvara bolje rezultate. Upravo zbog toga dm kontinuirano ulaže u svoje zaposlenike kroz različite benefite: redovno povećanje plate, 13. plata i regres u visini plate, ulaže u stručne edukacije, brine o zdravlju zaposlenika i održavanju pozitivne radne atmosfere.

**„U ime dmBiH želim se zahvaliti javnosti na ovom vrijednom priznanju. Ponosni smo na činjenicu da smo prepoznati kao Najpoželjniji poslodavac jedanaest puta, od toga devet puta zaredom. Kroz našu poslovnu filozofiju „Živjeti posao drugačije“ kontinuirano nastojimo oplemeniti potrebe naših zaposlenika. Nudimo brojne prilike za profesionalni razvoj u vidu edukacija, školovanja, aktivnog učešća u internacionalnim projektima, atraktivnih primanja ali ih i potičemo na što bolji balans poslovnog i privatnog, brinemo za njihovo zdravlje, družimo se i zajedno slavimo uspjehe. Ovo prestižno priznanje daje nam podstrek i obavezuje nas da i u narednom periodu nastavimo s dobrim praksama koje će i dalje dm za zaposlenike činiti mjestom kojem se vraćaju s osmijehom“,** izjavila je Emina Mušinović, članica Uprave i Posloводства i voditeljica resora Razvoj ljudskih resursa i Informatika dmBiH.

Istraživanje je sproveo vodeći portal za zapošljavanje u BiH Kolektiv d.o.o./ MojPosao.ba, a izboru su prethodila četiri mjeseca online istraživanja tokom kojeg su svi posjetioči portala imali priliku da sami upišu tri kompanije koje smatraju najpoželjnijima.

Titula Najpoželjnijeg poslodavca još jednom potvrđuje da dm ne samo da postavlja visoke standarde već i kreira kulturu povjerenja, poštovanja i razvoja, u kojoj se zaposlenici osjećaju cijenjeno i motivisano.



### **Više informacija o dm drogerie markt d.o.o.**

dm je na bosanskohercegovačkom tržištu prisutan od juna 2006. kada je otvorena prva dm prodavnica u sarajevskom naselju Dobrinja. Za 18 godina dm se sa više od 1.200 zaposlenika i 93 prodavnice u 47 gradova te distribucijskim centrom u Sarajevu pozicionirao kao vodeća kompanija u kategoriji drogerija. U poslovnoj godini 2023/24. dm je u Bosni i Hercegovini ostvario promet od 421,2 miliona KM. Asortiman dm-a obuhvata gotovo 14.000 proizvoda etabliranih svjetskih i domaćih proizvođača, među kojima je 31 dm robna marka kao što su Balea, alverde, Mivolis, trend !t up, DenkmIt, babylove, dmBio i druge. U cjelokupnom asortimanu posebno mjesto zauzimaju organska hrana, prirodna kozmetika i ekološki prihvatljivi proizvodi.

dm u BiH imidž Najpoželjnijeg poslodavca, priznanja koje mu je dodijeljeno deset puta, od toga osam puta zaredom, gradi kontinuiranom brigom o zaposlenicima te im, uz brojne pogodnosti kao što su redovni sistematski i stomatološki pregledi, školovanja i edukacije, svake godine isplaćuje regres i 13. platu.

Saopštenja za javnost na raspolaganju su Vam na <https://www.dm-drogeriemarkt.ba/pr-imeriji/saopstenja-za-medije>, a arhiva fotografija na <https://www.dm-drogeriemarkt.ba/pr-imeriji/fotografije-za-medije>.

### **Za više informacija molimo Vas kontaktirajte:**

Ajla Hadžić, menadžer Marketinga, dm drogerie markt d.o.o.

Tel: 033/778-300, e-mail: [ajla.hadzic@dm-drogeriemarkt.ba](mailto:ajla.hadzic@dm-drogeriemarkt.ba)

Alena Kulenović - Delić, PR Director, agencija McCann

Tel: 033/267-121, e-mail: [alena.kulenovic@mccann.ba](mailto:alena.kulenovic@mccann.ba)